



Broj: 05/1-50-15-26-71-3/20

Sarajevo, 8. 6. 2020.

ZAPISNIK

71. sjednice Nezavisnog odbora Parlamentarne skupštine BiH

Sjednica je održana 8. 6. 2020, s početkom u 17 sati.

Sjednicu je sazvaio Enes Obraliija, prvi zamjenik predsjednice Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, opravdano odsutna.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Enver Bogučanin iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao prvi zamjenik predsjednice Nezavisnog odbora Enes Obraliija.

Konstatirajući da postoji kvorum, otvorio je 71. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 70. sjednice Nezavisnog odbora;
2. Informacija o posjeti članova Nezavisnog odbora Graničnoj policiji BiH;

3. Tekuća pitanja.

Ad. 1. Usvajanje Zapisnika 70. sjednice Nezavisnog odbora

Zapisnik 70. sjednice Nezavisnog odbora jednoglasno je usvojen, bez primjedbi.

Ad. 2. Informacija o posjeti članova Nezavisnog odbora Graničnoj policiji BiH

U uvodu u ovu tačku dnevnog reda prvi zamjenik predsjednice Nezavisnog odbora Enes Obralija istakao je da su, u skladu s dogovorom s prošle sjednice, Adisa Begić i Mate Miletić, članovi Nezavisnog odbora, 8. 6. 2020, posjetili Graničnu policiju BiH i sastali se s njenim rukovodstvom dok je Vladimir Jurišić, koji je također trebao prisustvovati sastanku, bio opravdano spriječen, nakon čega je otvorio raspravu.

Adisa Begić i Mate Miletić, članovi Nezavisnog odbora, ukratko su informirali prisutne članove Nezavisnog odbora o predmetnom sastanku te istakli kako će o ovoj posjeti biti sačinjen pisani izvještaj koji će biti predmet rasprave na sljedećoj sjednici Nezavisnog odbora.

Ad. 3. Tekuća pitanja

U okviru ove tačke dnevnog reda prvi zamjenik predsjednice Nezavisnog odbora Enes Obralija informirao je prisutne članove Nezavisnog odbora o prisustvu 6. sjednici Doma naroda, održanoj 28. 5. 2020, na kojoj je razmatran Izvještaj o radu Nezavisnog odbora za 2018. godinu, te da je on upućen Kolegiju Doma naroda na usaglašavanje.

Također, informirao je prisutne članove i o pozivu na 5. sjednicu Zajedničke komisije za odbranu i sigurnost BiH koja će biti održana 9. 6. 2020, a na kojoj će biti razmatrani Izvještaj o radu Nezavisnog odbora za 2019. godinu i Plan rada Nezavisnog odbora za 2020. godinu.

U okviru ove tačke dnevnog reda dogovoreno je da se, u skladu s Planom rada Nezavisnog odbora za 2020. godinu, 6. 7. 2020. obavi posjeta Državnoj agenciji za istrage i zaštitu u kojoj bi učestvovali Ilma Mehić-Jusufović, Mate Miletić i Ljubomir Kuravica, članovi Nezavisnog odbora.

Također, dogovoreno je i da sljedeća sjednica Nezavisnog odbora bude održana 6. 7. 2020, s početkom u 17 sati.

Prvi zamjenik predsjednice Nezavisnog odbora Enes Obralića zaključio je sjednicu u 17.45 sati.

**SEKRETARKA
NEZAVISNOG ODBORA**

Ivana Lovrić

**PRVI ZAMJENIK PREDSJEDNICE
NEZAVISNOG ODBORA**

Enes Obralića